



Fama Postvma Praesvlvm Antverpiensivm

Hugo, Hermann

Antverpiae, 1611

Quemadmodvm laudatis olim Imperatoribus, populo deinde Romano
Quiritibúsque Felicitatem suam gratulabantur Panegyristæ; recte atque ...

[urn:nbn:de:hbz:466:1-69073](https://nbn-resolving.org/urn:nbn:de:hbz:466:1-69073)



VEM AD MODVM lau-
 datis olim Imperatori-
 bus, populo deinde Ro-
 mano Quiritibusque Fe-
 licitatem suam gratula-
 bantur Panegyristæ; rectè atque or-
 dine facturi videmur, si narratis Epi-
 scoporum encomiis, reliquo Eccle-
 siastico Magistratui, Canonicorum,
 toti que Antuerpiensis Cleri frequen-
 tiæ suam prædicemus beatitatem.
 Ut enim in filios, paternorum faci-
 norum laus etiam descendit; non
 minima profectò rerum pars benè
 gestarum, in Cathedralis Ecclesiæ
 cœtum deriuatur. Stellas videmus
 communi solis lumine fulgere, &
 non suis etiam radiis illustrari; cur
 non simili lege, Antistitum facta, par-
 tito honore Clerum suum decorabunt?
 Planè ita fit, sed vno tamen discrimi-
 ne. nam cum hæc sit natura sideribus,
 vt parua & exilia, validiorum exortus
 obscu-

*Plinius
 Paneg. ad
 Traianum.*

obscurerent : maiores quidem omnibus fuerunt Præsules vestri , sed sine vllius deminutione maiores . Eamdem enim auctoritatem præsentibus illis , omnes quam absentibus semper retinuistis . Quin etiam plerisque ex eo reuerentia accessit , quòd illi , licet dignitate maiores , vos tamen ob vitæ laudem singularem reuerentur .

Dicemus non liberè minùs quàm verè (quod de Romanis olim exteri illi Legati , qui tot Reges quot Senatores vidisse se clamabant) quando amplissimum confessum vestrum intuemur , tot nobis Episcopos esse videri , quot Sacerdotes . Atque id quidem , seu à propriâ vestrà virtute proueniat , seu ex Antistitum vestrorum vitâ , ad quam vos semper conformatis : nec minorem meretur apud omnes laudem , nec minorem apud nos gratulationem . Magnis ergo vocibus atque
 EX SENTENTIA , OB HAEC QUIBVS
 NEC MAIORA DICI , NEC
 CO-

COGITARI A QVOQVAM POS-
SVNT, GRATVLAM VR VOBIS
VIRI AMPLISSIMI, DEVMQVE
VENERAMVR, ITA DIV VRBI
HVIC, DIGNITATI VESTRAE,
SVPPPLICATIONI NOSTRAE
PROPITIUS, VOLENS, LVBENS,
ESSE VELIT, ET VOTVM HOC
RATVM ESSE IVBEAT.



H

AP-